

摘藻堂四庫全書薈要

集部

欽定四庫全書薈要卷一萬七千七百九十六

集部

御定全唐詩卷三百九十一

李賀

金銅仙人辭漢歌

并序

魏明帝青龍元年八月詔宮官牽車西取漢孝武
捧露盤仙人欲立置前殿宮官既拆盤仙人臨載
乃潸然淚下唐諸王孫李長吉遂作金銅仙人辭

漢歌

茂陵劉郎秋風客夜聞馬嘶曉無跡畫欄桂樹懸秋香
三十六宮土花碧魏官牽車指千里東關酸風射眸子
空將漢月出宮門憶君清淚如鉛水哀蘭送客咸陽道
天若有情天亦老攜盤獨出月荒涼渭城已遠波聲小

古悠悠行

白景歸西山碧華上迢迢今古何處盡千歲隨風颺海
沙變成石魚沫吹秦橋空光遠流浪銅柱從年消

黃頭郎

黃頭郎撈攏去不歸南浦芙蓉影愁紅獨自垂水弄湘
娥珮竹啼山露月玉瑟調青門石雲溼黃葛沙上薜蘿
花秋風已先發好持一作待掃羅薦香出鴛鴦一作籠熱

馬詩二十三首

龍脊貼連錢銀蹄白踏煙無人織錦韉誰為鑄金鞭
臘月草根甜天街雪似鹽未知口硬軟先擬蒸藜銜
忽憶周天子驅車上玉山鳴騶辭鳳苑赤驥最承恩
此馬非凡馬房星本是星一作精向前敲瘦骨猶自帶銅

聲

大漠山

一作沙

如雪燕山月似鉤何當金絡腦快走踏清

秋

飢卧骨查牙麤毛刺破花鬣焦朱色落髮斷鋸長麻

西母酒將闌東王飯已乾君王若燕去誰為拽車轅

赤兔無人用當須呂布騎吾聞果下馬羈策任蠻兒

騶叔去

一作死

怱怱如今不豢龍夜來霜壓棧駿骨折西

風

催榜渡烏江

江一作東

神駢泣向風君

吾一作

王今解劍何處

逐英雄

內馬賜宮人銀韉刺騏驎
午時鹽坂上蹭蹬溘風塵

批竹初攢耳
莢花未上身
他時須攬陣
牽去借將軍

寶玦誰家子
長聞俠骨香
堆金買駿骨
將送楚襄王

香襍赭羅新
盤龍蹙鐙鱗
迴看南陌上
誰道不逢春

不從桓公獵
何能伏虎威
一朝溝隴出
看取拂雲飛

唐劍斬隋公
拳毛屬太宗
莫嫌金甲重
且去捉颯

一作颯又

作
颺風

白鐵剉青禾碓間落細莎世人憐小頸金埒畏長牙
伯樂向前看旋毛在腹間祇今培白草何日驀青山
蕭寺馱經馬元從竺國來空知有善相不解走章臺
重圍如燕尾寶劍似魚腸欲求千里脚先采眼中光
暫繫騰黃馬仙人上綵樓須鞭玉勒吏何事謫高州
汗血到王家隨鸞撼玉珂少君騎海上人見是青驪
武帝愛神仙燒金得紫煙殿中皆肉馬不解上青天

申胡子感策歌 并序

申胡子朔客之蒼頭也朔客李氏本亦世家子得
祀江夏王廟當年踐履失序遂奉官北郡自稱學
長調短調久未知名今年四月吾與對舍於長安
崇義里遂將衣質酒命予合飲氣熱杯闌因謂吾
曰李長吉爾徒能長調不能作五字歌詩直強迴
筆端與陶謝詩勢相遠幾里吾對後請撰申胡子
感策歌以五字斷句歌成左右人合譟相唱朔客

大喜擎觴起立命花娘出幕
裴回拜客吾問所宜
稱善平弄於是
以弊辭配聲與予為壽

顏熱感君酒含嚼蘆中聲
花娘蓂綏安休睡芙蓉屏誰
截太平管列點排空星直貫
開花風天上驅雲行今夕
歲華落令人惜平生心事如
波濤中坐時時驚朔客騎
白馬劍弢懸蘭纓俊健如生
猱旬拾蓬中螢

老夫採玉歌

採玉採玉須水碧琢作步搖
徒好色老夫飢寒龍為愁

藍溪水氣無清白，夜雨岡頭食蓊子。
杜鵑口血老夫淚，藍溪之水厭生人。
身死千年恨溪水，斜山拍風雨如嘯。
泉脚挂繩青裏裏，村寒白屋念嬌嬰。
古臺石磴懸腸草，傷心行。

咽咽學楚吟，病骨傷幽素。
秋姿白髮生，木葉啼風雨。
燈青蘭膏歇，落照飛蛾舞。
古壁生凝塵，羈魂夢中語。

湖中曲

長眉越沙採蘭若，桂葉水蘋春漠漠。
橫船一作倚醉眠白

畫開渡口梅風歌扇薄燕釵玉股照青渠越王嬌郎小
字書蜀紙封巾報雲鬢晚漏壺中

一作銅壺水淋盡

黃家洞

雀步感沙聲促促四尺角弓青石鏃黑幡三點銅鼓鳴
高作援啼搖箭箠綵巾纏跨幅半斜溪頭簇隊映葛花
山潭晚霧吟白鼉竹蛇飛蠹射金沙閑驅竹馬緩歸家
官軍自殺容州槎

屏風曲

蝶棲石竹銀交關水凝綠鴨瑠璃錢團迴六曲抱膏蘭
將鬢鏡上擲金蟬沈香火暖茱萸煙酒觥一作餘
承懽月風吹露屏外寒城上烏啼楚女眠
綰帶新

南山田中行

秋野明秋風白塘水濇濇蟲嘖嘖雲根苔蘚山上石冷
紅泣露嬌啼色荒畦九月稻叉牙蟄螢低飛隴逕斜石
脈水流泉滴沙鬼燈如漆點一作照松花

貴主征行樂

奚騎

一作妓

黃銅連鎖甲羅旗香榦金畫葉中軍留醉河

陽城嬌嘶紫燕踏花行春營騎將如紅玉走馬捎鞭上空綠女垣素月角吶吶牙帳未開分錦衣

酒罷張大徹索贈詩

時張初効潞幕

長鬣張郎三十八天遣裁詩花作骨徃還誰是龍頭人

公主遣秉魚須笏太行

一作水符

青草上白衫匣中章奏密

如蠶金門石閣知卿有豸角雞香早晚舍隴西長吉摧頽客酒闌感覺中區窄葛衣斷碎趙城秋吟詩一夜東

方白

羅浮山父

一作人

與葛篇

依依宜織江雨空雨中六月蘭臺風博羅老仙時出洞

千歲石林啼鬼工蛇毒濃凝

一作毒蛇濃吁

洞堂溼江魚不食

銜沙立欲剪箱

一作湘

中一尺天吳娥莫道吳刀澀

仁和里雜叙皇甫湜

湜新尉陸渾

大人乞馬癯乃寒宗人貸宅荒厥垣橫庭鼠徑空土澀

出籬大棗垂朱殘安定美人截黃綬脫落纓裾暝朝酒

還家白筆未上頭使我清聲落人後枉辱稱知犯君眼
排引纔陞強絀斷洛風送馬入長闕闔扇未開逢狎犬
那知堅一作都相草草客枕幽單看春老歸來骨薄面
無膏疲氣衝頭髮莖少欲雕小說干天官宗孫不調為
誰憐明朝下元復西道崆峒叙別長如天

宮娃歌

蠟光高懸照紗空花房夜擣紅守宮象口吹香氎氎暖
七星挂城聞漏板寒入罌魚殿影昏彩鸞簾額著霜痕

啼蛄弔月鉤欄下屈膝銅鋪鎖阿甄夢入家門上沙渚
天河落處長洲路願君光明如太陽放妾騎魚撇波去
堂堂

堂堂復堂堂紅脫梅灰香十年粉蠹生畫梁飢蟲不食
推一作堆碎黃蕙花已老莢葉長禁院懸簾隔御光華清
源中礪石湯裴回白鳳隨君王

勉愛行二首送小季之廬山

洛郊無俎豆弊廢慙老馬小雁過鑪峰影落楚水下長

船倚雲泊石鏡秋涼夜豈解有鄉情
弄月聊鳴啞

別柳當馬頭官槐如兔目欲將千里別持我

一作此

易斗

粟南雲北雲空脈斷靈臺經絡懸春綫青軒樹轉月滿
牀下國飢兒夢中見維爾之昆二十餘年來持鏡頗有
鬚辭家三載今如此索米王門一事無荒溝古水光如
刀庭南拱柳生蟻螯江干幼客真可念郊原晚吹悲號

號

致酒行

零落棲遲一杯酒主人奉觴客長壽主父西遊困不歸
家人折斷門前柳吾聞馬周昔作新豐客天荒地老無
人識空將牋上兩行書直犯龍顏請恩澤我有迷魂招
不得雄雞一聲天下白少年心事當拏雲誰念幽寒坐
鳴呃

長歌續短歌

長歌破衣襟短歌斷白髮秦王不可見旦夕成內熱渴
飲壺中酒飢拔隴頭粟淒淒一作涼四月闌千里一時綠

夜峰何離離明月落石底
裴回沿石尋照出高峰外
不得與之遊歌成鬢先改

公莫舞歌

并序

公莫舞歌者詠項伯翼蔽劉沛公也會中壯士灼
灼於人故無復書且南北樂府率有歌引賀陋諸
家今重作公莫舞歌云

方花古

一作石

礎排九楹刺豹淋血盛銀鬣華

一作軍

筵鼓

吹無桐竹長刀直立割鳴箏橫楮麤錦生紅緯日炙錦

媽王未醉腰下三看寶玦光
項莊掉劍欄前起材官小
臣公莫舞座上真人赤龍子
芒碭雲瑞抱天迴咸陽王
氣清如水鐵樞鐵捷重束關
大旗五丈撞雙鑼漢王今
日頒一作須秦印絕臚剗腸
臣不論

昌谷北園新筍四首

籜落長竿削玉開
君看母筍是龍材
更容一夜抽千尺
別却池園數寸埃

斫取青光寫楚辭
膩香春粉黑離離
無情有恨何人見

露壓煙啼千萬枝

家泉石眼兩三莖
曉看陰根紫脈一作陌
生今年水曲春

沙上笛管新篁拔玉青

古竹老梢惹碧雲
茂陵歸卧歎清貧
風吹千畝迎雨嘯

鳥重一枝入酒尊

惱公

宋玉愁空斷
嬌饒粉自紅
歌聲春草露
門掩杏花叢
注口櫻飛小
添省桂葉濃
曉奩妝秀
靨夜帳減香
筒鈿鏡

飛孤鵲江圖畫水蒨陂陀梳碧鳳腰裏帶金蟲杜若含
清露河蒲聚紫茸月分蛾黛破花合麝朱融髮重疑盤
霧腰輕乍倚風密書題豈寇隱語笑芙蓉莫鎖茱萸匣
休開翡翠籠弄珠驚漢燕燒蜜引胡蜂醉纈拋紅網單
羅挂綠蒙數錢教姹女買藥問巴賔勻臉安斜雁移燈
想夢熊腸攢非束竹肱急是張弓晚樹迷新蝶殘蛻憶
斷虹古時填渤海今日鑿崆峒繡香褰長幔羅裙結短
封心搖如舞鶴骨出似飛龍井檻淋清漆門鋪綴白銅

隈花開兔徑向壁印狐蹤玳瑁釘簾薄琉璃疊扇烘象
牀緣素柏瑤席卷香蔥細管吟朝幌芳醪落夜楓宜男
生楚巷梔子發金墉龜甲開屏澀鵝毛滲

一作
滲

墨濃黃

庭留衛瓘綠樹養韓馮雞唱星懸柳鷓啼露滴桐黃娥
初出座寵妹始相從蠟淚垂蘭燼秋蕪掃綺攏吹笙翻
舊引沽酒待新豐短珮愁填粟長弦怨削菘曲池眠乳
鴨小閣睡娃僮褥縫參雙綫鉤緇辯五總蜀煙飛重錦
峽雨濺輕容拂鏡羞溫嶠薰衣避賈充魚生玉藕下人

在石蓮中含水彎蛾翠登樓選馬鬣使君居曲陌園令
住臨邛桂火流蘇暖金爐細炷通春遲王子態鶯囀謝
娘慵玉漏三星曙銅街五馬逢犀株防膽怯銀液鎮心
忪跳脫看年命琵琶道吉凶王時應七夕夫位在三宮
無力塗雲母多方帶藥翁符因青鳥送囊用絳紗縫漢
苑尋官柳河橋闕禁鐘月明中婦覺應笑畫堂空

感諷五首

合浦無明珠龍洲無木奴足知造化力不給使君須越

婦未織作吳蠶始蠕蠕縣官騎馬來寧色虬紫鬚懷中
一方板板上數行書不因使君怒焉得詣爾廬越婦拜
縣官桑牙今尚小會待春日晏絲車方擲掉越婦通言
語小姑具黃梁縣官踏食去簿吏復登堂

竒俊無少年日車何躡躡我待紆雙綬遺我星星髮都
門賈生墓青蠅久斷絕寒食搖揚天憤景長肅殺皇漢
十二帝唯帝稱睿哲一夕信豎兒

一作反信
豎兒言

文明永淪歇

南山何其悲鬼雨灑空草長安夜半秋風前幾人

一作

剪春
姿

老低迷黃昏徑裏裏青櫟道月午樹無影一山唯

白曉漆炬迎新人幽壙螢擾擾

星盡四方高萬物知天曙已生須已養荷擔出門去君

平久不反康伯循

一作
遁

國路曉思何澆澆闌闌千人語

石根秋水明石畔秋草瘦侵衣野竹香蟄蟄垂葉厚岑

中月歸來蟾光挂空

一作
雲

秀桂

一作
秋

露對仙娥星星下

雲逗淒涼梔子落山壘泣清漏下有張仲蔚披書案將


朽

三月過行宮

渠水紅繡擁御牆
風嬌小葉學娥妝
垂簾幾度青春老
堪鎖千年白日長

御定全唐詩卷三百九十一

謹案卷三百八十八第四頁前八行天子賜嘗陽
羨茶刊本賜訛須據玉川集改



總校官庶吉士臣張能照

校對官檢討臣郭寅

謄錄監生臣藍嘉瑄

欽定四庫全書薈要

集部

御定全唐詩卷二百九十五

二至

欽定四庫全書蒼要卷一萬七千七百九十七

集部

御定全唐詩卷三百九十二

李賀

追和何謝銅雀妓

一壺酒秋容滿千里石馬卧新煙憂來何所似歌

聲且潛弄陵樹風自起長裾歷高臺淚眼看花机

同凡

送秦光祿北征

北虜膠堪折秋沙亂曉輦髯胡頻犯塞驕氣似橫霓灑

水樓船渡營門細柳開將軍馳白馬豪彥騁雄材箭射
攬槍落旗懸日月低榆稀山易見甲重馬頻嘶天遠星
光沒沙平草葉齊風吹雲路火雪汗玉關泥屢斷呼韓
頸曾然董卓臍太常猶舊寵光祿是新齊

一作皆

寶玦麒

麟起銀壺狝狄啼苑花連馬發綵絮撲鞍來呵臂懸金
斗當脣注玉壘清蘇和碎蟻紫膩卷浮杯虎韞先蒙馬
魚腸且斷犀趁趨西旅狗感額址方奚守帳然香暮看
鷹永夜棲黃龍就別鏡青塚念陽臺周處長橋役侯調

短弄哀錢塘階鳳羽正室擘鸞釵內子攀琪樹羌兒奏
落梅今朝擊劍去何日刺蛟迴

酬荅二首

金魚公子夾衫長密裝腰鞞割玉方行處春風隨馬尾
柳花偏打內家香

雍州二月梅

一作海

池春御水鷓鴣暖白蘋試問酒旗歌

板地今朝誰是拗花人

畫角東城

河轉曙蕭蕭鴉飛睥睨高帆長標

一作標

越甸壁冷挂吳

刀淡菜生寒日鮪魚溪白濤水花霑抹額旗鼓夜迎潮

謝秀才有妾縞練改從於人秀才引留之不得
從生感憶座人製詩嘲謝賀復繼四首

誰知泥憶雲望斷梨花春荷絲製機練竹葉剪花裙月
明啼阿姊燈暗會良人也識君夫壻金魚挂在身

銅鏡立青鸞燕脂拂紫綿腮花弄暗粉眼尾淚侵寒碧

玉破不復

一作破瓜後

瑤琴重撥弦今日非昔日何人敢正

看

洞房思不禁蜂子作花心
灰暖殘香炷髮冷青蟲簪
夜遙燈焰短睡熟小屏深
好作鴛鴦夢南城罷擣碓

尋常輕宋玉今日嫁文鴛
戟幹橫龍簾刀環倚桂牕
邀人裁半袖端坐據胡牀
淚溼紅輪重棲烏上井梁

昌谷讀書示巴童

蟲響燈光薄宵寒藥氣濃
君憐垂翅客辛苦尚相從

巴童答

巨鼻宜山褐，龐眉入苦吟。非君唱樂府，誰識怨秋深。

代崔家送客

行蓋柳煙下，馬蹄白翩翩。恐隨行送

一作送

處盡何忍重

一作

復揚鞭

出城

雪下桂花稀，啼鳥被彈歸。關水乘驢影，秦風帽帶垂。入
鄉試萬里

一作誠
可重

無印自堪悲。卿卿忍相問，鏡中雙淚

姿

一作
垂

莫種樹

園中莫種樹種樹四時愁獨睡南牀一作牕月今秋似去

秋

將發

東牀卷席罷護落將行去秋白遙遙空日滿門前路

追賦畫江潭苑四首

吳苑曉蒼蒼宮衣水濺黃小鬟紅粉薄驕馬珮珠長路
指臺城迴羅薰袴褶香行雲霑翠輦今日似襄王

寶袂菊衣單
蕉花密露寒
水光蘭澤葉
帶重剪刀錢
角暖盤弓易
靴長上馬難
淚痕霑寢帳
勻粉照金鞍

剪翅小鷹斜
綽根玉鋏花
鞦垂妝鈿粟
箭箠釘文牙
鶯啼深竹鷓
鴒老溼沙宮
官燒蠟火飛
燼汚鉛華

十騎簇芙蓉
宮衣小隊紅
練香熏宋鵲
尋箭踏盧龍
旗溼金鈴重
霜乾玉鐙空
今朝畫眉早
不待景陽鐘

潞州張大宅病酒遇江使寄上十四兄

秋至昭關後
當知趙國寒
繫書隨短羽
寫恨破長箋
病

客眠清曉疎桐墜綠鮮城鴉啼粉堞軍吹壓蘆煙岸幘
塞沙幌枯塘卧折蓮木牕銀跡畫石磴水痕錢旅酒侵
愁肺離歌繞懦弦詩封兩條淚露折一枝蘭茝老沙雞
泣松乾瓦獸殘覺騎燕地馬夢載楚溪船椒桂傾長席
鱸魴斫玳筵豈能忘舊路江島滯佳年

難忘曲

夾道開洞門弱楊低畫戟簾影竹華一作葉起簫聲吹日

色蜂語繞妝鏡拂

一作畫

蛾學春碧亂繫丁香梢滿欄花

向夕

賈公間貴壻曲

朝衣不須長分花對袍縫嚶嚶白馬來

一作春

滿腦黃金

重今朝香氣苦珊瑚澀難枕且要弄風人暖蒲沙上飲
燕語踏簾鉤日虹屏中碧潘令在河陽無人死芳色

夜飲朝眠曲

觴酣出座東方高腰橫半解星勞勞柳苑鴉啼公主醉

薄露壓花蕙園

一作蘭

氣玉轉溼絲牽曉水熟

一作熱

粉生

香琅玕紫夜飲朝眠斷無事楚羅之幃臥皇子

王濬墓下作

人間無阿童猶唱水中龍白草侵煙死秋梨遶地紅古

書平黑石袖

一作神

劍斷青銅耕勢魚鱗起墳科

一作斜

馬

鬣封菊花垂溼露棘徑卧乾蓬松柏愁香澀南原幾夜
風

客遊

悲滿千里心日暖南山石不謁承明廬老作平原客四

時別家廟三年去鄉國旅歌屢彈缺歸問時裂帛

崇義里滯雨

落莫誰家子來感長安秋壯年抱羈恨夢泣生白頭瘦
馬秣敗草雨沫飄寒溝南宮古簾暗溼景傳鐵籌家山
遠千里雲脚天東頭憂眠枕劔匣客帳夢封侯

馮小憐

灣頭見小憐請上琵琶弦破得春風恨今朝直幾錢裙
垂竹葉帶鬢溼杏花煙玉冷紅絲重齊宮妾駕鞭

贈陳商

長安有男兒二十心已朽
楞伽堆案前楚辭繫肘後
人生有窮拙日暮聊飲酒
祇今道已塞何必須白首
淒淒陳述聖披褐鉏耒學
為堯舜文時人責衰偶柴門
車轍凍日下榆影瘦黃昏
訪我來苦節青陽皺太華
五千仞劈地抽森秀旁古無
寸尋一上戛牛斗公卿縱不
憐一作寧能鎖吾口
李生師太華大座看白晝
逢霜作樸言檄得氣為春柳
禮節乃相去顛顛如芻狗
風雪直齋壇

墨組貫銅綬臣妾氣態間唯欲承箕帚
天眼何時開古劍庸一吼

釣魚詩

秋水釣紅渠仙人待素書菱絲縈獨繭蒲

一作菰

米蟄雙

魚斜竹垂清沼長綸貫碧虛餌懸春蜥蜴鉤墜小蟾蜍
詹子情無限龍陽恨有餘為看煙浦上楚女淚霑裾

奉和二兄罷使遣馬歸延州

空留三尺劍不用一丸泥馬向沙場去人歸故國來笛

愁翻隴水酒喜漉春灰錦帶休驚雁羅衣尚鬪雞還吳
已渺渺入郢莫淒淒自是菀李樹何畏不成蹊

荅贈

本是張公子曾名萼綠華沈香熏小像楊柳伴啼鴉露
重金泥冷盃闌玉樹斜琴堂沽酒客新買後園花

題趙生壁

大婦然竹根中婦舂玉屑冬暖拾松枝日煙坐蒙滅木
蘚青桐老石井一作泉水聲發曝背卧東亭桃花滿肌骨

感春

日暖自蕭條花悲址郭騷榆穿萊子眼柳斷舞兒腰上
幕迎神燕飛絲送百勞胡琴今日恨急語向檀槽

仙人

彈琴石壁上翻翻一仙人手持白鸞尾夜掃南山雲鹿
飲寒澗下魚歸清海濱當時漢武帝書報桃花春

河陽歌

染羅衣秋藍難著色不是無心人為作臺一作邛客花

燒中渾音誕城顏卽身已老惜許兩少年抽心似春草今

日見銀牌今夜鳴玉燕牛頭高一尺隔坐應相見月從
東方來酒從東方轉觥船飮口紅密炬千枝爛

花遊曲 并序

寒食日諸王妓遊賀入座因採梁簡文詩調賦花
遊曲與妓彈唱

春柳南陌態冷花寒露姿今朝醉城外拂鏡濃掃眉煙
溼愁車重紅油覆畫衣舞裙香不暖酒色上來遲

春書

朱城報春更漏轉光風催蘭吹小殿草細堪梳柳長如
線卷衣秦帝掃粉趙燕日含畫幕蜂上羅薦平陽花塢
河陽花縣越婦楮機吳蠶作繭菱汀繫帶荷塘倚扇江
南有情塞北無恨

安樂宮

深

一作
漆

井桐烏起尚復牽情

一作
清

水未盥邵陵瓜餅中

弄長翠新成

一作
城

安樂宮宮如鳳皇翅歌迴蠟板鳴左

愴提壺使綠繁悲水曲茱萸別秋子

胡蝶飛

一作舞

楊花撲帳春雲熱龜甲屏風醉眼纈東家胡蝶西家飛
白騎少年今日歸

梁公子

風彩出蕭家本是菖蒲花南塘蓮子熟洗馬走江沙一作
涯御牋銀沫冷長簾鳳窠斜種柳營中暗題書賜館娃

牡丹種曲

蓮枝未長秦蘅老走馬馱金斲春草水灌香泥却月盆
一夜綠房迎白曉美人醉語園中煙晚華已散蝶又闌
梁王老去羅衣在拂袖風吹蜀國弦歸霞帔拖蜀帳昏
媽紅落粉罷承恩檀郎謝女眠何處樓臺月明燕夜語
後園鑿井歌

井上轆轤牀上轉水聲簾弦聲淺情若何荀奉倩城頭
日長向城頭住一日作千年不須流下去

開愁歌

華下作

秋風吹地百草乾華容碧影生晚寒我當二十不得意
一心愁謝如枯蘭衣如飛鷄馬如狗臨岐擊劍生銅吼
旗亭下馬解秋衣請貫宜陽一壺酒壺中喚天雲不開
白晝萬里閑淒迷主人勸我養心骨莫受俗物相填玃

玉篇廣韻俱無玃字統鑑云
按玃即厖字音灰相擊也

秦宮詩 并序

漢人秦宮將軍梁冀之嬖奴也秦宮得寵內舍故
以驕名大譟於人子撫舊而作長辭以馮子都之

事相為對望又云昔有之詩

越羅衫袂

一作夾衫

迎春風玉刻麒麟腰帶紅樓頭曲宴仙

人語帳底吹笙香霧濃人間

一作開

酒暖春茫茫花枝入

簾白日長飛牕複道傳籌

一作頭

飲十夜銅盤

一作半

膩

燭黃禿衿小袖調鸚鵡紫繡麻韞踏踣

同虎

斫桂燒金

待曉筵白鹿青蘇

一作清酥

夜半煮桐英永巷騎新

一作主

馬

內屋深

一作珍

屏生色畫開門爛用水衡錢卷起黃河向身

馮皇天厄運猶曾裂秦宮一生花底

一作裏

活鸞篋奪得

不還人醉睡氍毹滿堂月

古鄴城童子謠效王粲刺曹操

鄴城中暮塵起將

探一作

黑丸斫文吏棘為鞭虎為馬團

團走鄴城下切玉劍射日弓獻何人奉相公扶轂來關
右兒香掃塗相公歸

楊生青花紫石硯歌

端州石工巧如神踏天磨刀割紫雲傭剗抱水含滿脣
暗灑萇弘冷血痕紗帷晝暖墨花春輕漚漂沫松麝薰

乾膩薄重立脚勻數寸光秋無日昏圓毫促點聲靜新

孔硯寬頑

一作碩

何足云

房中思

新桂如蛾眉秋風吹小綠行輪出門去玉鑿聲斷續月
軒下風露曉庭自幽澀誰能事貞素臥聽莎雞泣

石城曉

月落大隄上女垣棲鳥起細露溼團紅寒香解夜醉女
牛一作石子渡天河柳煙滿城曲上客留斷纓殘蛾鬪雙綠

春帳依微蟬翼羅橫茵突金隱體花帳前輕絮鶴一作鶯
毛起欲說春心無所似

苦晝短

飛光飛光勸爾一杯酒吾不識青天高黃地厚唯見月
寒日暖來煎人壽食熊則肥食蛙則瘦神君何在太一
安有天東有若木下置銜燭龍吾將斬龍足嚼龍肉使
之朝不得迴夜不得伏自然老者不死少者不哭何為
服一作餌黃金吞白玉誰似一作是任公子雲中騎碧一作白

驢劉徹茂陵多滯骨羸政梓棺費鮑魚

章和二年中

雲蕭索田

一本無田字

風拂拂麥芒如萋黍如粟關中父老

百領襦關東吏人乏詬租健犢春耕土膏黑苜蒲叢叢
沿水脈殷勤為我下田租百錢攜償一作賞絲桐客遊春

漫光塢花白野林散香神降席拜神得壽獻天子七星
貫斷姮娥死

春歸昌谷

束髮方讀書謀身苦不早終軍未乘傳顏子鬢先老天
網信崇大矯士常慙慙逸目駢甘華羈心如荼蓼旱雲
二三月岑岫相顛倒誰揭頰玉盤東方發紅照春熱張
鶴蓋兔目官槐小思焦面如病嘗膽腸似絞京國心爛
漫夜夢歸家少發軔東門外天地皆浩浩青樹驪山頭
花風滿秦道宮臺光錯落裝盡一作畫偏一作編峰嶠細綠
及團紅當路雜啼笑香風下高廣鞍馬正華耀獨乘雞
棲車自覺少風調心曲語形影祇身焉足樂豈能脫負

檐刻鶴

一作鵠

曾無兆幽幽太華側老栢如建纛龍皮相

排憂翠羽更蕩掉驅趨委憔悴眺覽強容貌花蔓闕行
輶穀煙暝深徼少健無所就入門愧家老聽講依大樹
觀書臨曲沼知非出柙虎甘作藏霧豹韓鳥處繒繳湘
儵在籠罩狹行無廓落壯士徒輕躁

昌谷詩

五月二十七日作

昌谷五月稻細青滿平

一作草平秋

水遙巒相壓疊頽綠愁

墮地光潔無秋思

一作絲

涼曠吹浮媚竹香滿淒寂粉節

塗生翠草髮垂恨鬢光露泣幽淚層圍爛洞曲芳徑老
紅醉攢蟲蝨古柳蟬子鳴高遠大帶委黃葛紫蒲交狹
涘石錢差復藉厚葉皆蟠膩汰沙好平白立馬印青字
晚鱗自遨遊瘦鴟暝單跼嘹嘹溼蛄聲咽源驚濺起紆

緩玉真路

自註近武
后巡幸路

神娥蕙花裏苔絮縈澗礫山實垂

頰紫小柏儼重扇肥松突丹髓鳴流走響韻壠秋拖光
穉鶯唱閉女歌瀑懸楚練帔風露滿笑眼駢巖雜舒墜
亂條一作
篠迸石嶺細頸喧島嵒日脚埽昏翳新雲啟華

閔謚謚厭夏光商風道清氣高眠服一作復玉容燒桂祀

天几

谷與女山嶺阪相承山即蘭香神女上天處也遺几在焉

霧衣夜披拂眠壇夢

真粹待駕棲鸞老故宮椒壁圮

福昌宮在谷之東

鴻瓏數鈴響

羈臣發涼思陰藤束朱鍵龍帳著魑魅碧錦帖花檉香

衾事殘貴歌塵蠹木在舞綵長雲似珍一作壞割繡段

里俗祖風義隣凶不相杵疫病無邪祀鮐皮識仁惠州

角知覲耻縣省司刑官戶乏詬租吏竹數添墮簡石磯

引鉤餌溪灣轉水帶芭蕉傾蜀紙岑光晃穀襟孤景拂

繁事泉尊陶宰酒月眉謝郎妓丁丁幽鐘遠矯矯單飛
至霞巘殷差我危溜聲爭次淡蛾流平碧薄月眇陰悴
涼光入澗岸廓盡山中意漁童下宵網霜禽竦煙翅潭
鏡滑蛟涎浮珠噉魚戲風桐一作松瑤匣瑟螢星錦城使
柳綴長縹帶篁掉短笛吹石根緣綠蘚蘆筍抽丹漬漂
旋弄天影古檜拏雲臂愁月薇帳紅罽雲香蔓刺芒麥
平百井閑乘列千肆刺促成紀人好學鷓夷子

銅駝悲

落魄三月罷尋花去東家誰作送春曲洛岸悲銅駝橋
南多馬客北山饒古人客飲盃中酒駝悲千萬春生世
莫徒勞風吹盤上燭厭見莖株笑銅駝夜來哭

自昌谷到洛後門

九月大野白蒼岑竦秋門寒涼十

一作交

月末露

一作雪霰

濛曉昏澹色結晝天心事填空雲道上千里風野竹蛇

涎痕石澗凍

一作東

波聲雞叫清寒晨強行到東

一作都舍

解馬投舊隣東家名廖者鄉曲傳姓辛杖頭非飲酒吾

請造其人始欲南去楚又將西適秦襄王與武帝各自
留青春聞道蘭臺上宋玉無歸魂縑縹兩行字蟄蟲蠹
秋芸為探秦臺意豈命余負薪

七月一日曉入太行山

一夕遶山秋香露溘蒙菜新橋倚雲阪候蟲嘶露撲洛
南一作陽今已遠越衾誰為熟石氣何淒淒老蒞如短鋸

秋涼詩寄正字十二兄

閉門感秋風幽姿任契濶大野生素空天地曠肅殺露

光

一作
光露

泣殘蕙蟲響連夜發房寒寸輝薄迎風絳紗折
披書古芸馥恨唱華容歇百日不相知花光變涼節弟
兄誰念慮戕翰既通達青袍度白馬草簡奏東闕夢中
相聚笑覺見半牀月長思劇尋環亂憂抵軍葛

御定全唐詩卷三百九十二

欽定四庫全書蒼要卷一萬七千七百九十八

集部

御定全唐詩卷三百九十三

李賀

艾如張

錦襜褕繡襦強飲啄哺爾雛隴東卧穉滿風雨莫信

逐一作籠隴一作龍媒隴西去齊人織網如素空張在野田一作

春平碧中網絲漠漠無形影誤爾觸之傷首紅艾葉綠

花誰剪刻中藏禍機不可測

上雲樂

飛香走紅滿天春花龍盤盤上紫雲三千宮

一作綵

女列

金屋五十弦瑟海上聞天江

一作河

碎碎銀沙路羸女機

中斷煙素斷煙素縫衣縷

一作舞衣

八月一日君前舞

摩多樓

一作樓子

玉塞去金人二萬四千里風吹沙作雲一時渡遼水天
白水如練甲絲雙串斷行行莫苦辛城月猶殘半曉氣
朔煙上赳赳胡馬蹄行人臨水別隔隴

一作隴水

長東西

猛虎行 四言

長戈莫春長弩莫抨乳孫哺子教得生猓舉頭為城掉
尾為旌東海黃公愁見夜行道逢騶虞牛哀不平何用
尺刀壁上雷鳴泰山之下婦人哭聲官家有程吏不敢
聽

日出行

白日下崑崙發光如舒絲徒照葵藿心不照遊子悲折
折黃河曲日從中央轉暘谷耳曾聞若木眼不見柰爾

一作鑠石胡為銷人羿彎弓屬矢那不中足令一本有烏不得

翔四字 久一作火 不得奔詎教晨光夕昏

苦筥調嘯引

請說軒轅在時事伶倫採竹二十四伶倫採之自崑丘
一作崑崙 軒轅詔遣中分作十二伶倫以之正音律軒轅以
之調元氣當時黃帝上天時二十三管咸相隨唯留一
管人間吹無德不能得此管此管沈埋虞舜祠

拂舞歌辭

吳娥聲絕天空雲閒
裴回門外滿車馬
亦須生綠苔
尊

有烏程酒勸君千萬壽
全勝漢武錦樓上
曉望晴寒一作

空飲花露東方日不破
天光無老時
丹成作蛇乘白霧

千年重化玉井土
從蛇作土一一作千載吳堤綠草年

年在背有八卦稱神仙
邪鱗頑甲滑腥涎

夜坐吟

踏踏馬蹄誰見過
眼看北斗直天河
西風羅幕生翠波

鉛華笑妾顰青蛾
為君起唱一作舞長相思
簾外嚴霜皆

倒飛明星爛爛東方陸紅霞梢出東南涯陸卽去矣乘
班駘

筮篋引

又曰公
無渡河

公乎公乎提壺將焉如屈平沈湘不足慕徐衍入海誠
為愚公乎公乎牀有菅席盤有魚趾里有賢兄東隣有
小姑隴畝油油黍與葫一作禾瓦甌濁醪蟻浮浮黍可食
醪可飲公乎公乎其柰居被髮奔流竟何如賢兄小姑
哭鳴鳴

巫山高

碧叢叢高

一作齊

插

一作撐

天大江翻瀾神曳煙楚魂尋夢

風颺

一作颺

然曉風飛雨生苔錢瑤姬一去一千年丁香

筇竹啼老猿古祠近月蟾桂寒椒花墜紅溼雲間

一作端

平城下

飢寒平城下夜夜守明月別劍無玉花海風斷鬢髮塞
長連白空遙見漢旗紅青帳吹短笛煙霧溼晝龍日晚
在城上依稀望城下風吹枯蓬起城中嘶瘦馬借問築

城吏去關幾千里惟愁裹屍歸不惜倒戈死

江南弄

江中綠霧起涼波天上疊巘紅差峩水風浦雲生老竹
渚暝蒲帆如一幅鱸魚千頭酒百斛酒中倒臥南山綠
吳歛越吟未終曲江上團團帖寒玉

榮華樂

一作東洛
梁家謠

鳶肩公子二十餘齒編貝脣激朱氣如虹霓飲如建瓴
走馬夜歸叫嚴更徑穿複道遊椒房龍裘金玦雜花光

玉堂調笑金樓子臺下戲學却鄆倡口吟舌話稱女郎

錦祛繡面漢帝旁得明珠十斛白璧一雙新詔垂金曳
紫光煌煌馬如飛人如水九卿六官皆望履將迴日月
先反掌欲作江河唯畫地我我虎冠上切雲竦劍晨趨
凌紫氛繡段千尋貽皂隸黃金百鎰貺家臣十二門前
張大宅晴春煙起連天碧金鋪綴日雜紅光銅龍齧環
似爭力瑤姬凝醉卧芳席海素籠牕空下隔丹穴取鳳
充行庖攫攫如拳那足食金蟾呀呀蘭燭香軍裝武妓

聲琅璫誰知花雨夜來過但見池臺春草長嘈嘈弦吹
匝天開洪厓簫聲遶天來天長一矢貫雙虎雲弮絕騁
聒旱雷亂袖交竿管兒舞吳音綠鳥學言語能教刻石
平紫金解送刻毛寄新兔三皇皇一本少后七貴人五
十校尉二將軍當時飛去逐彩雲化作今日京華春

相勸酒

羲和騁六轡晝夕不曾閒彈鳥崦嵫竹一作石扶馬蟠桃
鞭蓐收既斷翠柳青帝又造紅蘭堯舜至今萬萬歲數

子將為傾蓋間青錢白璧買無端丈夫快意方為歡
臞臞熊何足云會須鍾飲北海箕踞南山歌淫淫管
惜橫波好送雕題金人生得意且如此何用強知元化
心相勸酒終無輟伏願陛下鴻名終不歇子孫綿如石
上葛來長安車駢駢中有梁冀舊宅石崇故園

瑤華樂

穆天子走龍媒八轡冬瓏逐天迴五精掃地凝雲開高
門左右日月環四方錯鏤稜層殷舞霞垂尾長盤珊江

澄海淨神母顏施紅點翠照虞泉曳雲拖玉下崑山列
旆如松張蓋如輪金風殿一作斂秋清明發春八鑿十乘
矗如雲屯瓊鍾瑤席甘露文玄霜絳雪何足云薰梅染
柳將贈君鉛華之水洗君骨與君相對作真質

北中寒

一方黑照三方紫黃河水合魚龍死三尺木皮斷文理
百石強車上河水霜花草上大如錢揮刀不入迷濛天
爭一作淨澄海水飛凌喧山瀑無聲玉虹懸

梁臺古愁

一作
意

梁王臺沼空中立，天河之水夜飛入。
臺前鬪玉作蛟龍，綠粉掃天愁露溼。
撞鐘飲酒行射天，金虎感裘噴血斑。
朝朝暮暮愁海翻，長繩繫日樂當年。
芙蓉凝紅得秋色，蘭臉別春啼脈脈。
蘆洲客雁報春來，寥落野篁秋漫白。

公無出門

天迷迷地密密，熊虺食人魂。
雪霜斷一作風破人骨，嗾犬信

信相索索，舐掌偏宜佩。
蘭客帝遣乘軒，災自息玉星點。

劍黃金軛我雖跨馬不得還
歷陽湖波大如山毒虬相
視振金環俊猊猊揄吐嚙涎
鮑焦一世披草眠顏回廿
九鬢毛斑顏回非血衰鮑焦
不違天天畏遭銜齧所以
致之然分明猶懼公不信
公看呵壁書問天

神弦別曲

巫山

一作陽

小女隔雲別春風松花

一作松花春風

山上發綠蓋

獨穿香徑歸白馬花竿前
子子蜀江風澹水如羅
隋蘭誰泛相經過南山桂
樹為君死雲衫淺污紅
脂花

綠水詞

今宵好風月阿侯在何處為有傾人色一作城人翻成足愁

苦東湖採蓮葉南湖拔一作折蒲根一作葦未持寄小姑且

持感愁魂一作秋風

沙路曲

柳臉一作陰半眠丞相樹珮馬釘鈴踏沙路斷燼遺香裏

翠煙燭一作獨騎啼一作蹄烏一作鳴上天去帝家玉龍開九

闕帝前動一作簪笏移南山獨垂重印押千官金窠一作科

篆字紅屈盤沙路歸來聞好語旱火不光天下雨

上之回

上之回大旗喜懸紅雲撻鳳尾劔匣破舞蛟龍蚩尤死
鼓逢逢天高慶雷齊墜地地無驚煙海千里

高軒過

韓員外愈皇甫侍御
湜見過因而命作

華裾織翠青如葱金環壓轡搖玲瓏一作馬蹄隱耳一作

隱聲隆隆入門下馬氣如虹云是一本無云東京才子

文章鉅一本無鉅字公二十八宿羅心胸九精照耀一作元精耿耿

貫當中殿前作賦聲摩空筆補造化天無功麗省書客
感秋蓬誰知死草生華風我今垂翅附冥鴻他日不羞
蛇作龍

貝宮夫人

丁丁海女弄金環

一作錢

雀釵翹揭雙翅關六宮不語一

生閒高懸銀榜照青山長眉凝綠幾千年清涼堪老鏡
中鸞秋肌稍覺玉衣寒空光帖妥水如天

蘭香神女廟

三月
中作

古春年年在閒綠搖暖雲松香飛晚華柳渚含日昏沙
砌落紅滿石泉生水芹幽篁畫新粉蛾綠橫曉門弱蕙
不勝露山秀愁空春舞珮剪鸞翼異帳帶塗輕銀桂蘭吹
濃香菱藕長芊芊看雨逢瑤姬乘船值江君吹簫飲酒
醉結綬金絲裙走天呵白鹿遊水鞭錦鱗密髮虛鬟飛
膩頰一作靨凝花勻團鬢分珠巢穠眉籠小脣弄蝶和輕
妍風光怯腰身深幃金鴨冷奩鏡幽鳳塵踏霧乘風歸
撼玉山上聞

送韋仁實兄弟入關

送客飲別酒，千觴無赭顏。
何物最傷心，馬首鳴金鏜。
野色浩無主，秋明空曠間。
坐來壯膽破，斷目不能看。
行槐引西道，青梢長攢攢。
韋郎好兄弟，疊玉生文翰。
我在山上舍，一畝蒿硯田。
夜雨叫租吏，春聲暗交一作聞關。
誰解念勞勞，一作苦蒼突唯南山。

洛陽城外別皇甫湜

洛陽吹別風，龍門起斷煙。
冬樹東生澀，晚紫凝華天。
單

身野霜上疲馬飛蓬間凭軒一雙淚奉墜綠衣前

溪晚涼

白狐向月號山風秋寒掃雲留碧空玉煙青溼白如幢
銀灣曉轉流天東溪汀眠鷺夢征鴻輕漣不語細游溶
層岫迴岑複疊龍苦篁對客吟歌筒

官不來題皇甫湜先輩廳

官不來官庭秋老桐錯幹青龍愁書司曹佐走如牛疊
聲問佐官來不官不來門幽幽

長平箭頭歌

漆灰骨末丹水沙淒淒古血生銅花白翎金幹雨中盡

直餘三脊

徑一作寸

殘狼牙我尋平原乘兩馬驛東石田蒿

塢下風長日短星蕭蕭黑旗雲溼懸空夜左魂右魄啼
肌瘦酪瓶倒盡將羊炙蟲棲雁病蘆筍紅迴風送客吹
陰火訪古沈瀾收斷鏃折鋒赤鬣曾封肉南陌東城馬
上兒勸我將金換箬竹

江樓曲

樓前流水江陵道
鯉魚風起芙蓉老
曉釵催一作鬢語

南風抽帆歸來一日功
鼉吟浦口飛梅雨
竿頭酒旗換

青苧蕭騷浪白雲
差池一作參差黃粉油衫寄
郎主新槽酒

聲苦無力南湖一頃菱
花白眼前便有千里愁
小玉開屏見山色

塞下曲

樂府詩
作三首

胡角引址風
薊門白於水
天含清海道
城頭月千里
露下旗濛濛
寒金鳴夜刻
蕃甲鏖蛇鱗
馬嘶青塚白
秋靜

見旄頭沙遠席羈

一作其

愁帳北天應盡河聲出塞流

染絲上春機

玉罌泣

一作汲

水桐花并菑絲沈水如雲影美人嬾態燕

脂愁春梭拋擲鳴高樓綵線結茸背複疊白袷玉郎寄

桃葉為君挑鸞作腰綬願君處處宜春酒

一作雪

五粒小松歌

并序

前謝秀才杜雲卿命予作五粒小松歌予以選書

多事不治曲辭經十日聊道八句以當命意

蛇子蛇孫鱗蜿蜿新香幾粒洪厓飯綠波浸葉滿濃光
細束龍髯剪刀剪主人壁上鋪州圖主人堂前多俗儒
月明白露秋淚滴

一作露泣
懸秋淚

石筍溪雲寄書

塘上行

藕花涼露溼花缺藕根溼飛下雌一作雄鴛鴦塘水聲溼
溼

呂將軍歌

呂將軍騎赤兔獨攜大膽出秦門金粟堆邊哭陵樹北

方逆氣汗青天劍龍夜叫將軍閒將軍振袖揮劍鏢玉

闕朱城有門閣榼榼銀龜搖白馬傅粉女郎火

一作旗

下恒山鐵騎請金槍遙聞箴中花箭香西郊寒蓬葉如

刺皇天新

一作親

栽養神驥殿中高桁排

一作桃

蹇蹄飽食

青芻飲白水圓蒼低迷蓋張地九州人事皆如此赤山
秀鋌禦時英綠眼將軍會天意

休洗紅

休洗紅洗多紅色淺卿卿騁少年昨日殷橋見封侯早

歸來莫作弦上箭

神弦曲

西山日沒東山昏旋風吹馬馬踏雲畫弦素管聲淺繁
花裙綵繚步秋塵桂葉刷風桂墜子青狸哭血寒狐死
古壁彩虬金帖尾雨工騎入秋一作夜潭水百年老鴉成
木魅笑聲碧火巢中起

野歌

鷗翎羽箭山桑弓仰天射落銜蘆鴻麻衣黑肥衝坵風

帶酒日晚歌田中男兒屈窮心不窮枯榮不等嗔天公
寒風又變為春柳條條看即煙濛濛

神弦

女巫澆酒雲滿空玉爐炭火香
鼗鼗海神一作寒雲山鬼來

座中紙錢窸窣鳴颼風相思木帖金舞鸞攢蛾一唳重
一彈呼星召鬼歆杯盤山魅食時人森寒終南日色低
平灣神兮長在有無間神嗔神喜師更顏送神萬騎還

青山

將進酒

琉璃鍾琥珀濃小槽酒滴真珠紅烹龍炮鳳玉脂泣羅

屏一作幃繡幕圍香一作春風吹龍笛擊鼉鼓皓齒歌細腰

舞況是青春日將暮桃花亂落如紅雨勸君終日酩酊

醉一作歸酒不到劉伶墳上土

美人梳頭歌

西施曉夢綃帳寒香鬟墮髻半沈檀轆轤咿啞轉鳴玉
驚起芙蓉睡新足雙鸞開鏡秋水光解鬟臨鏡立象牀

一編香絲雲撒地玉釵落處無聲膩纖手却盤老鷄色
翠滑寶釵簪不得春風爛熳惱嬌慵十八鬟多無氣力
妝成髮髻敲不斜雲裾數步踏雁沙背人不語向何處
下堦自折櫻桃花

月漉漉篇

月漉漉波煙

一作咽

玉蕊青桂花繁芙蓉別江木粉態裊

羅寒雁羽鋪煙溼誰能看石帆乘船鏡中入秋白鮮紅
死水香蓮子齊挽菱隔歌袖綠刺罨銀泥

京城

驅馬出門意年落長安心兩事誰向道自作秋風吟

官街鼓

曉聲隆隆催轉日暮聲隆隆呼月出漢城黃柳映新簾
柏陵飛燕埋香骨碓發一作碎千年日長白孝武秦王一作

皇聽不得從君翠髮蘆花色獨共南山守中國幾迴天
上墓神仙漏聲相將無斷緣一作續又作絕

許公子鄭姬歌

鄭園中請賀作

許史世家外親貴宮錦千端買沈醉銅駝酒熟烘明膠
古堤大柳煙中翠挂開客花名鄭袖入洛聞香鼎門口
先將芍藥獻妝臺後解黃金大如斗莫愁簾中許合歡
清弦五十爲君彈彈聲咽春弄君骨骨興牽人馬上鞍
兩馬八蹄踏蘭苑情如合竹誰能見夜光玉枕栖鳳皇
袷羅當門刺純綾長翻蜀紙卷明君轉角含商破碧雲
自從小靨來東道曲裏長眉少見人相如塚上生秋柏
三秦誰是言情客蛾鬟醉眼拜諸宗為謁皇孫請曹植

新夏歌

曉木千籠真蠟綵

一作絳

蕊

一作蒂

一作

枯香數分在陰枝秀

一作拳

牙卷縹茸長風迴氣扶葱龍野家麥畦上新壠長

吟裊回桑柘重刺香滿地菖蒲草雨梁燕語悲身老三
月搖揚入河道天濃地濃一作穠柳梳掃

題歸夢

長安風雨夜書客夢昌谷怡怡中堂笑小弟栽澗菜家
門厚重意望我飽飢腹勞勞一寸心燈花照魚目

經沙苑

野水泛長瀾
宮牙開小菑
無人柳自春
草渚鴛鴦暖
晴嘶臥沙馬
老去悲啼展
今春還不歸
塞嚶折翅雁

出城別張又新酬李漢

李子別上國
南山崆峒春
不聞今夕鼓
差憫煎情人
趙壹賦命薄
馬卿家業貧
鄉書何所報
紫蕨生石雲
長安玉桂國
戟帶披侯門
慘陰地自光
寶馬踏曉昏
臘春戲草苑
玉輓鳴韞鱗
綠網縋金鈴
霞卷清池濬
開貫瀉蚨

母買冰防夏蠅時宜裂大袂

一作被

劍客車盤茵小人如

死灰心切生秋榛皇圖跨四海百姓拖

一作施

長紳光明

靄不發腰龜徒覓銀吾將課禮樂聲調摩清新欲使十

千歲帝道如飛神華實自蒼老流采

一作來

長傾湓沒沒

暗齧舌涕血不敢論今將下東道祭酒而別秦六郡無

勦兒長刀誰拭塵地理陽無正快馬逐服轅二子美年

少調道講

一作講道調

清渾譏笑斷冬夜家庭踈篠穿曙風

起四方秋月當東懸賦詩面投擲悲哉不遇人此別定

雷臆越布先裁巾



御定全唐詩卷三百九十三

欽定四庫全書薈要卷一萬七千七百九十九

集部

御定全唐詩卷三百九十四

李賀

南園

方領蕙帶折角巾杜若已老蘭苔春南山削秀藍玉合
小雨歸去飛涼雲熟杏暖香梨葉老草梢一作蒲竹柵鎖

池痕一作澹鄭公鄉老開酒尊坐汎楚奏一作酒吟招魂

假龍吟歌

石軋銅杯吟詠枯瘁蒼鷹一作鸞擺血白鳳下肺挂子自

落雲弄車蓋木死沙崩惡谿島阿母得仙今不老窻中

跳汰截清涎隈孺臥水埋金爪崖蹬蒼苔一作蒼弔石髮

江君掩帳篔簹折蓮花去國一千年雨後聞腥猶帶鐵

感諷六首

人間春蕩蕩帳暖香揚揚飛光染幽紅誇嬌來洞房舞
席泥金蛇桐竹羅花牀眼逐春暝醉粉隨淚色黃王子
下馬來曲沼鳴鴛鴦焉知腸車轉一夕巡九方

苦風吹朔寒沙驚秦木折舞影逐空天畫鼓餘清節蜀
書秋信斷黑水朝波咽嬌魂從回風死處懸鄉月

雜雜胡馬塵森森邊士戟天教胡馬戰曉雲皆血色婦
人攜漢卒箭箠囊巾帽不慙金印重踉蹌腰韉力恂恂
鄉門老昨夜試鋒鏑走馬遣書勳誰能分粉墨

青門

一作鳥
又作馬

放彈去馬色連空郊何年帝家物玉裝鞍

上搖去去走犬歸來來坐烹羔千金不了饌貉

一作
格肉

稱盤臊試問誰家子乃老

一作
云

能佩刀西山白蓋下賢

儻寒蕭蕭

曉菊泣

一作泣

寒露似悲團扇風秋涼經漢殿班子泣哀

紅本無辭輦意豈見入空宮腰袂珮珠斷灰蝶生陰松

蝶

一作蜂

飛紅粉臺柳掃吹笙道十日懸戶庭九秋無哀

一作素

草調歌送風轉杯池白魚小水宴截香腴菱科映

青罩芊蒙

一作草

梨花滿春昏弄長嘯

一作笑

唯愁苦花落

不悟世衰到撫舊唯銷

一作傷

魂南山坐悲峭

一作嘯

莫愁曲

草生龍坡下，鷓噪城堞頭。何人此城裏，城角栽石榴。青
絲繫五馬，黃金絡雙牛。白魚駕蓮船，夜作十里遊。歸來
無人識，暗上沈香樓。羅牀倚瑤瑟，殘月傾簾鉤。今日槿
花落，明朝桐樹秋。莫一作若負平生意，何名何一作莫愁。

夜來樂

紅羅複帳金流

一作塗

蘇華燈九枝，懸鯉魚。麗人映月開

銅鋪，春水滴。酒猩猩，沽

一本有價字

重一筵，香十株。赤金瓜

子兼雜麩，五絲封青鳧。

一作五色絲封青鳧，一作五色絲封青玉鳧。

阿侯此

笑千萬餘南軒漢轉簾影疎桐林啞啞挾子烏
劔崖鞭節青石珠白駒吹湍凝霜鬚漏長送珮承明一作廬倡
樓塞我明月孤新客下馬故客去綠蟬秀黛重拂梳

嘲雪

昨日發葱嶺今朝下蘭渚喜從千里來亂笑含春語一作
兩龍沙溼漢旗鳳扇迎秦素久別遼城鶴毛衣已應故

春懷引

芳蹊密影成花洞柳結濃煙花一作帶重蟾蜍碾玉挂
陰香

一作明弓捍撥裝金打仙鳳寶枕垂雲選春夢鈿合碧
一作寒龍腦凍阿侯繫錦覓周郎憑仗東風好相送

白虎行

火烏日暗崩騰雲秦皇虎視蒼生群燒書滅國無暇日

鑄劍佩玦惟

呼一作

將軍玉壇設醮思冲天一世二世當

萬年燒丹未得不死藥拏舟海上尋神仙鯨魚張鬣海

波沸耕人半作征人鬼雄豪氣猛如燄煙

一作猛燄烈燒空

無

人為決天河水誰最苦兮誰最苦報人義士深相許漸

離擊筑荆卿歌荆卿把酒燕丹語劔如霜兮膽一作賜如

鐵出燕城兮望秦月天授秦封祚未移一作終袞龍衣點

荆卿血朱旗卓地白虎死漢皇知一作却是真天子

有所思

去年陌上歌離曲今日君書遠遊蜀簾外花開二月風
臺前淚滴千行竹琴心與妾腸此夜斷還續想君白馬
懸雕弓世間何處無春風君心未肯鎮如石妾顏不久
如花紅夜殘高碧橫長河河上無梁空白波西風未起

悲龍梭年年織素攢雙蛾江山迢遞無休絕淚眼看燈
乍明滅自從孤館深鎖牕桂花幾度圓還缺鷓鴣向曉
鳴森木風過池塘響叢玉白日蕭條夢不成橋南更問
仙人卜

啁少年

青驄馬肥金鞍光龍腦入縷羅衫香美人狹坐飛瓊觴
貧人喚云天上即別起高樓臨碧篠絲曳紅鱗出深沼
有時半醉百花前背把金丸落飛鳥自說生來未為客

一身美妾過三百豈知斲地種苗

一作田

家官稅頻催勿

一作沒

人織長得

一作金

積玉誇豪毅每揖閒人多意氣生

來不讀半行書只把黃金買身貴少年安得長少年海

波尚變爲桑田榮枯遞傳

一作轉

急如箭天公不

一作豈

肯

於公偏莫道韶華鎮長在髮白面皺專相待

高平縣東私路

侵侵柵葉香木花滯寒雨今夕山上秋永謝無人處石

蹊遠荒澀棠實懸辛苦古者

一作道

定幽尋呼君作私路

神仙曲

碧峰海面藏靈書上帝揀作神仙居清明一作晴時笑語聞

空虛鬪乘巨浪騎鯨魚春羅書字邀王母共讌紅樓最

深處鶴羽衝風過海遲不如却使青龍去猶疑王母不

相許垂露一作霧娃鬟更傳語

龍夜吟

鬢髮胡兒眼睛綠高樓夜靜吹橫竹一聲似向天上來
月下美人望鄉哭直排七點星藏指暗合清風調宮徵

蜀道秋深雲滿林
湘江半夜龍驚起
玉堂美人邊塞情
碧牕皓月愁中聽
寒砧能擣百尺練
粉淚凝珠滴紅線
胡兒莫作隴頭吟
隔牕暗結愁人心

崑崙使者

崑崙使者無消息
茂陵煙樹生愁色
金盤玉露自淋漓
元氣茫茫收不得
麒麟背上石文裂
虬龍鱗下紅枝折
何處偏傷萬國心
中天夜久高明月

漢唐姬飲酒歌

御服沾霜露天衢長綦棘金隱秋塵姿無人爲帶飾玉

堂歌聲寢芳林煙樹隔雲陽臺上歌兔哭復何益鐵劍

常

一本缺此字

光光至克威屢逼

一作伏劔明秋

疆臯噬母心

犇厲索人魄相看兩相泣淚下如波激寧用清酒爲欲

作黃泉客

一作隔

不說玉山頽且無飲中色勉從天帝訴

天上寡沈厄無處張總帷如何望松柏妾身晝團團君
魂夜寂寂蛾眉自覺長頸粉誰憐白矜持昭陽意不肖

看

一作即

南陌

聽穎師琴歌

別浦雲歸桂花渚蜀國弦中雙鳳語芙蓉葉落秋鸞離
越王夜起遊天姥暗珮清臣敲水玉渡海蛾眉牽一作乘

白鹿誰看挾劍赴長橋誰看浸髮題春竹竺僧前立當
吾門梵宮真相省稜尊古琴大軫長八尺嶧陽老樹非
桐孫涼館聞弦驚病客藥囊暫別龍鬚席請歌直一作當
請卿相歌奉禮官卑復何益

謠俗

上林胡蝶小試伴漢家君

一作春

飛向南城去誤落石榴

裙脈脈花滿樹翩翩燕遶雲出門不識路羞問陌頭人

靜女春曙曲

嫩葉憐芳抱新蕊泣露枝枝滴天淚粉牕香咽積曉雲
錦堆花密藏春睡戀屏孔雀搖金尾鶯舌分明呼婢子
冰洞寒龍半匣水一隻商鸞逐煙起

少年樂

芳草落花如錦地二十長遊醉鄉裏紅纓不動白馬驕

垂柳金絲香拂水
吳娥未笑花不開
綠鬢聳墮蘭雲起
陸郎倚醉牽羅袂
奪得寶釵金翡翠

句

不見山巔樹摧杙
下為薪日睹井中泥
上出作埃塵

壁篋

謠一作豈甘井中泥時至出作塵

情知一丘趣不謝
千里印倚劔

登高臺悠悠送春日

以上並見海錄碎事

御定全唐詩卷三百九十四

欽定四庫全書會要卷一萬七千八百

集部

御定全唐詩卷三百九十五

劉叉

劉叉元和時人少任俠因酒殺人亡命會赦出更折節讀書能為歌詩聞韓愈接天下士步歸之作冰柱雪車二詩後以爭語不能下賓客因持愈金數斤去曰此諛墓中人得耳不若與劉君為壽遂行歸齊魯不知所終

詩一卷

水柱

師干久不息農為兵兮民重嗟騷然縣宇

一作宇縣

土崩水

潰畹中無熟穀墮上無桑麻王春判序百卉茁甲含葩

有客避兵奔遊僻跋履險阨至三巴貂裘蒙茸已敝縷

鬢髮蓬髀雀驚鼠伏寧遑安處獨臥旅舍無好夢更堪

走風沙天人一夜剪瑛瑤詰旦都成六出花南畝未盈

尺纖片亂舞空紛拏旋落旋逐朝

一作晴

暉化簷間水柱

若削出交加或低或昂大小瑩潔隨勢無等差始疑玉

龍下界來人世齊向茅簷布爪牙又疑漢高帝西方未

一作來

斬蛇人不識誰為當風杖

一作空非

莫邪鏗鏜

一作鏘鏗

冰

有韻的皦玉無瑕不為四時雨徒於道路成泥相不為
九江浪徒為汨沒天之涯不為雙井水滿甌泛泛烹春

茶不為中山漿清新馥

一作撲

鼻盈百車不為池與沼養

魚種芟成靈靈不為醴泉與甘露使名異瑞世俗誇特

稟朝澈氣潔然自許靡間其邇遐森然氣結一千里滴

瀝聲沈十萬家明也雖小暗之大不可遮勿

一作物

被曲

瓦直下不能抑群邪奈一作抑何時逼不得時在我目中

倏然漂去無餘步自是成毀任天理天於此物豈宜有
忒賒反令井蛙壁蟲變容易背人縮首競呀呀我願天
子回造化藏之韞櫝翫之生光華

雪車

臘令凝縵三十日續紛密雪一復一孰云潤澤在枯荻
闐闐餓民凍欲死死中猶被豺狼食官車初還城壘未
完備人家千里無煙火一作變雞犬何太怨天不卹吾眚

如何連夜瑤花亂皎潔既同君子節沾濡多著小人面

寒鑷侯門見客稀色迷塞路行商斷小小細細如塵間

輕輕緩緩成樸欬

樸一作欬

官家不知民餒

凍一作餒

寒盡驅牛

車盈道載屑玉載載欲何之祕藏深宮以禦炎酷徒能

自衛九重間豈信車轍血點點盡是農夫哭刀兵殘喪

後滿野誰為載白骨遠戍久乏糧太倉誰為運紅粟戎

夫尚逆命扁箱鹿角誰為敵士夫困征討買花載酒誰

為適天子端然少旁求股肱耳目皆姦慝依違用事佞

上方猶驅餓民運造化防暑阨吾聞躬耕南畝舜之聖
爲民吞蝗唐之德未聞墮孽苦蒼生相群相黨上下爲
蠱賊廟堂食祿不自慙我爲斯民歎息還歎息

修養

損神終日談虛空不必一作必歸命于胎中我神不西亦

不東煙收雲散何濛濛嘗令體如微一作冷出微風綿綿不

斷道自冲世人逢一不逢一一回存想一回出只知一

切望一切不覺一日損一日勸君修真復識真一作真修世

上道人多忤

一作誤

人披圖醮錄益亂神此法那能堅此

身心田自有靈地珍惜哉自有不自親明真汨沒隨埃塵

勿執古寄韓潮州

古人皆執古不辭凍餓悲今人亦執古自取行坐危老
菊凌霜葩梅松抱雪姿武王亦至明寧哀首陽飢仲尼
豈非聖但爲互鄉嗤寸心生萬路今古焚若絲逐逐行
不盡茫茫休者誰來恨不可過去悔何足追玉石共笑

唾驚驥相奔馳請君勿執古執古徒自墮

荅孟東野

酸寒孟夫子苦愛老又詩生澀有百篇謂是瓊瑤辭百
篇非所長憂來豁窮悲唯有剛腸鐵百鍊不柔虧退之
何可罵東野何可欺文王已云沒誰顧好爵縻坐死守
一丘寧計飽與飢萬事付杯酒從人笑狂癡

自古無長生勸姚合酒

一本作歡
楊勉酒

奉子一杯酒為子照顏色但願腮上紅莫管頰下白自

古無長生生者何戚戚登山勿厭高四望都無極丘隴
逐日多天地爲我窄祇見李耳書對之一作我空脈脈何
曾見天上著得劉安宅若問一作自古長生人昭昭孔丘一作

孟籍

獨飲

盡欲調太羹自古無好手所以山中人兀兀但飲酒

作詩

作詩無知音作不如不作未逢賡載人此道終一作長寂

寔有虞今已歿

一作矣

一作

來者誰為託朗詠豁心曾筆與淚

俱落

天津橋

洛陽宮闕照天地四面山川無毒氣誰令漢祖都秦關
從此姦雄轉相熾

嘲荆卿

白虹千里氣血頸一劍義報恩不到頭徒作輕生士

一作

事

代牛言

渴飲潁水流
餓喘吳門月
黃金如可種
我力終不竭
作一歌

莫問卜

莫問卜
人生吉凶皆自速
伏羲文王若不死
今人不為古人哭

觀八駿圖

穆王八駿走不歇
海外去尋長日月
五雲望斷阿母宮

歸來落得新白髮

經戰地

殺氣不上天陰風吹雨血冤魂不入地
髑髏哭沙月人命固有常此地何夭折

野哭

棘針生穉義路閒野泉相弔聲潺潺
哀哉異教溺頽俗淳源一去何時還

古怨

君莫嫌醜婦醜婦死守貞山頭一怪石長作望夫名鳥
有並翼飛獸有比肩行丈夫不立義豈如鳥獸情

烈士一作女詠

烈士

一作女或

一作不

愛金愛金不為貧義死天

一作人

亦許

利生鬼

一作天

亦嗔胡為輕薄兒使酒殺平人

狂夫

大妻唱舜歌小妻鼓湘瑟狂夫遊冶歸端坐仍作色不
讀關雎篇安知后妃德

餓詠

文王久不出賢士如土賤妻孥從餓死敢愛黃金篆

自問

自問彭城子何人授汝顛酒腸寬似海詩膽大於天斷
劍徒勞匣枯琴無復弦相逢不多一作得合賴是向林泉

一作潁手
響秋泉

入蜀

望空問真宰此路為誰開峽色侵天去江聲滾地來孔

明深有意鍾會亦何才信此非人事悲歌付一杯

塞上逢盧仝

直到桑乾北逢君夜不眠上樓腰脚健懷土眼睛穿斗

柄寒垂地河流

一作黃河

凍徹天

一作河源冷接天

羈魂泣相向何

事有詩篇

偶書

日出扶桑一丈高人間萬事細如毛野夫怒見不平處

一作事

磨損

一作盡

曾中萬古刀

愛碣山石

碣石何青青
挽我雙眼睛
愛爾多古峭
不到人間行

與孟東野

寒衣草木皮
飢飯葵藿

一作食
草木

根不為孟夫子
豈識市

井門

姚秀才愛予小劍
因贈

一條古時

一作萬古

水向我手心

一作胸中

流臨行瀉

一作解

贈君

勿薄

一作報
又作臨

細碎
雙言

老恨

雪

一作風

打杉松

一作雪


殘補書書不完
嬾學渭上翁
辛苦

把釣

一作持竹
竿



御定全唐詩卷三百九十五



總校官庶吉士臣張能照

校對官檢討臣郭寅

謄錄監生臣藍嘉瑄

財團
佛陀教育基金會
釋淨空
敬贈